

Ресей Федерациясы, Қазақстан Республикасы, Қырғыз Республикасы, Тәжікстан Республикасы және Қытай Халық Республикасы арасындағы шекара ауданында әскери саладағы сенімділікті нығайту туралы 1996 жылғы 26 сәуірдегі келісімді және Ресей Федерациясы, Қазақстан Республикасы, Қырғыз Республикасы, Тәжікстан Республикасы және Қытай Халық Республикасы арасындағы шекара ауданында қарулы күштерді өзара қысқарту туралы 1997 жылғы 24 сәуірдегі келісімді орындау жөніндегі Қазақстан Республикасының Үкіметі, Қырғыз Республикасының Үкіметі, Ресей Федерациясының Үкіметі, және Тәжікстан Республикасының Үкіметі арасындағы өзара іс-қимыл қағидаттары мен тәртібі туралы хаттаманы бекіту туралы

Қазақстан Республикасы Үкіметінің 2004 жылғы 21 маусымдағы N 679 қаулысы.

Қазақстан Республикасының Үкіметі қаулы етеді:

1. 2002 жылғы 23 қарашада Мәскеу қаласында жасалған Ресей Федерациясы, Қазақстан Республикасы, Қырғыз Республикасы, Тәжікстан Республикасы және Қытай Халық Республикасы арасындағы шекара ауданында әскери саладағы сенімділікті нығайту туралы 1996 жылғы 26 сәуірдегі келісімді және Ресей Федерациясы, Қазақстан Республикасы, Қырғыз Республикасы, Тәжікстан Республикасы және Қытай Халық Республикасы арасындағы шекара ауданында қарулы күштерді өзара қысқарту туралы 1997 жылғы 24 сәуірдегі келісімді орындау жөніндегі Қазақстан Республикасының Үкіметі, Қырғыз Республикасының Үкіметі, Ресей Федерациясының Үкіметі және Тәжікстан Республикасының Үкіметі арасындағы өзара іс-қимыл қағидаттары мен тәртібі туралы хаттама бекітілсін.

2. Осы қаулы қол қойылған күнінен бастап күшіне енеді.

Қазақстан Республикасының

Премьер-Министрі

Ресей Федерациясы, Қазақстан Республикасы, Қырғыз Республикасы, Тәжікстан Республикасы және Қытай Халық Республикасы арасындағы шекара ауданында әскери саладағы сенімділікті нығайту туралы 1996 жылғы 26 сәуірдегі келісімді және Ресей Федерациясы, Қазақстан Республикасы, Қырғыз Республикасы, Тәжікстан Республикасы және Қытай Халық Республикасы арасындағы шекара ауданында қарулы күштерді өзара қысқарту туралы 1997 жылғы 24 сәуірдегі келісімді орындау жөніндегі Қазақстан Республикасының Үкіметі, Қырғыз Республикасының Үкіметі, Ресей Федерациясының Үкіметі

және Тәжікстан Республикасының Үкіметі арасындағы өзара іс-қимыл қағидаттары мен тәртібі туралы

Хаттама

Бұдан әрі Тараптар деп аталатын Қазақстан Республикасының Үкіметі, Қырғыз Республикасының Үкіметі, Ресей Федерациясының Үкіметі мен Тәжікстан Республикасының Үкіметі,

бұдан әрі 1996 жылғы 26 сәуірдегі келісім деп аталатын Ресей Федерациясы, Қазақстан Республикасы, Қырғыз Республикасы, Тәжікстан Республикасы және Қытай Халық Республикасы арасындағы шекара ауданында әскери саладағы сенімділікті нығайту туралы 1996 жылғы 26 сәуірдегі келісімді және бұдан әрі 1997 жылғы 24 сәуірдегі келісім деп аталатын Ресей Федерациясы, Қазақстан Республикасы, Қырғыз Республикасы, Тәжікстан Республикасы және Қытай Халық Республикасы арасындағы шекара ауданында қарулы күштерді өзара қысқарту туралы 1997 жылғы 24 сәуірдегі келісімді орындау мақсатында

төмендегілер туралы келісті:

1-бап

1996 жылғы 26 сәуірдегі келісімді және 1997 жылғы 24 сәуірдегі келісімді орындауға жәрдемдесу үшін Тараптар 1997 жылғы 24 сәуірдегі келісімнің 10-бабында құрылуы көзделген Бірлескен бақылау тобында 1996 жылғы 26 сәуірдегі келісімнің және 1997 жылғы 24 сәуірдегі келісімнің кіріспелерінде аталған Бірлескен Тараптың делегациясын құрады.

2-бап

Бірлескен Тарап делегациясын құру және оның қызметі осы Хаттаманың ажырамас бөлігі болып табылатын N 1 қосымшаға сәйкес Бірлескен бақылау тобындағы Бірлескен Тарап делегациясының қызметі мен ақпарат алмасу тәртібі туралы ережемен айқындалады.

3-бап

1996 жылғы 26 сәуірдегі келісімнің және 1997 жылғы 24 сәуірдегі келісімнің ережелерін жүзеге асыру және сақтау мақсатында Тараптар уәкілетті органдар арқылы Бірлескен бақылау тобындағы Бірлескен Тарап делегациясының қызметі мен ақпарат алмасудың тәртібі туралы ережеге және Инспекциялық қызметті ұйымдастыру кезінде Тараптардың өзара іс-қимыл тәртібі туралы ережеге осы Хаттаманың ажырамас бөлігі болып табылатын N 2 қосымшаға сәйкес ақпарат алмасуды ұйымдастыру, жоспарлау,

инспекциялық және қадағалау қызметінің өзара іс-қимылын жолға қояды және жүзеге асырады.

4-бап

Ресей Тарабы Ресей Федерациясының Ядролық қатерді азайту жөніндегі Ұлттық орталығы (ЯҚАҰО) арқылы 1996 жылғы 26 сәуірдегі келісіммен және 1997 жылғы 24 сәуірдегі келісіммен айқындалған Бірлескен Тараптың ақпаратын даярлау және Қытай Халық Республикасына беру, хабарламалар, баяндаулар мен тиісті ақпарат беру жөніндегі, сондай-ақ инспекциялық қызметті жоспарлау және ұйымдастыру жөніндегі қызметті үйлестіреді.

5-бап

Бірлескен Тарап делегациясының қызметін ұйымдастыру жөніндегі, сондай-ақ инспекциялық қызметті жүзеге асыру жөніндегі шығыстар тәртібі осы Хаттамаға N 1 және N 2 қосымшаларда айқындалады.

6-бап

Осы Хаттаманың ережелерін түсіндіруге қатысты Тараптар арасындағы барлық даулар мен келіспеушіліктер өзара консультациялар мен келіссөздер жолымен шешілетін болады.

7-бап

Осы Хаттама 1997 жылғы 24 сәуірдегі келісімнің қолданысы кезеңіне жасалды.

8-бап

Осы Хаттама Тараптардың оның күшіне енуі үшін қажетті мемлекетішілік рәсімдерді орындағаны туралы депозитарийге соңғы жазбаша хабарлама жіберген күнінен бастап күшіне енеді.

Осы Хаттамаға Тараптардың өзара келісімі бойынша өзгерістер мен толықтырулар енгізілуі мүмкін.

2002 жылы 23 қарашада Мәскеу қаласында орыс тілінде бір түпнұсқа данада жасалды.

Түпнұсқа данасы Ресей Федерациясының Үкіметінде сақталады, ол әрбір Тарапқа осы Хаттаманың куәландырылған көшірмесін жібереді.

Қазақстан Республикасының Үкіметі үшін

Қырғыз Республикасының Үкіметі үшін

Ресей Федерациясының Үкіметі үшін

Ресей Федерациясы, Қазақстан Республикасы, Қырғыз Республикасы, Тәжікстан Республикасы және Қытай Халық Республикасы арасындағы шекара ауданында әскери саладағы сенімді нығайту туралы 1996 жылғы 26 сәуірдегі келісімді және Ресей Федерациясы, Қазақстан Республикасы, Қырғыз Республикасы, Тәжікстан Республикасы және Қытай Халық Республикасы арасындағы шекара ауданында қарулы күштерді өзара қысқарту туралы 1997 жылғы 24 сәуірдегі келісімді орындау жөніндегі Қазақстан Республикасының Үкіметі, Қырғыз Республикасының Үкіметі, Ресей Федерациясының Үкіметі және Тәжікстан Республикасының Үкіметі арасындағы өзара іс-қимыл қағидаттары мен тәртібі туралы хаттамаға
N 1 қосымша

Бірлескен бақылау тобындағы Бірлескен Тарап делегациясының қызметі мен ақпарат алмасу тәртібі туралы Ереже

Ережелерге сәйкес және Бірлескен Тараптарды құрайтын Қазақстан Республикасының Үкіметі, Қырғыз Республикасының Үкіметі, Ресей Федерациясының Үкіметі, Тәжікстан Республикасының Үкіметі 1996 жылғы 26 сәуірдегі келісімді және 1997 жылғы 24 сәуірдегі келісімді жүзеге асыруда 1997 жылғы 24 сәуірдегі келісімнің 10-бабында көзделген Бірлескен бақылау тобындағы (бұдан әрі - ББТ) Бірлескен Тарап делегациясының қызметін реттейтін ережелер туралы келісті.

1-тарау. Бірлескен Тарап делегациясының құрамы

1. ББТ-да Бірлескен Тарап делегациясының құрамына Тараптардың уәкілетті лауазымды адамдары енгізіледі.
2. Сессияларда әрбір Тарап өздерінің уәкілетті лауазымды адамдарымен, сондай-ақ кеңесшілерімен және сарапшыларымен болуға құқығы бар.
3. Тараптар арасындағы келісім бойынша ББТ-дағы Бірлескен Тараптың төраға мемлекеті, әдетте, бір жылға тағайындалады. Мемлекеттің ББТ-дағы Бірлескен Тараптың төрағасы ретіндегі өкілеттік мерзімі ББТ-ның өткен күзгі сессиясы аяқталған

күннен басталады және ББТ-ның кезекті күзгі сессиясы аяқталған күнге дейін жалғасады.

Бірлескен Тараптағы төрағалық Бірлескен Тарапқа қатысушы мемлекеттер атауларының орыс әліпбиіндегі тәртібімен кезектесіп жүзеге асырылады

Ескерту. 3-тармақ жаңа редакцияда - ҚР Үкіметінің 19.08.2020 № 524 қаулысымен.

2-тарау. ББТ-ның сессиясына дайындық

1. Бірлескен Тарап делегациясы, егер Тараптар өзгелер туралы уағдаласпаса жылына төрт рет жұмыс мәжілісін өткізеді. Мәжілістерде ББТ сессиясының күн тәртібі жөніндегі Бірлескен Тараптардың ұсыныстары, сондай-ақ қарауға енгізілген мәселелер бойынша позициялар келісіледі. Қажет болған жағдайда, содан кейін Бірлескен Тарап атынан ББТ-ның сессиясына ұсынылатын құжаттар әзірленеді.

2. Жұмыс мәжілістеріндегі барлық шешімдер қатысушылар консенсусы негізінде қабылданады. Осындай шешімдер әрбір жұмыс мәжілісінің қорытындысы бойынша жасалатын хаттама жазбаларында жазылады.

Хаттама жазбаларына Тараптардың уәкілетті лауазымды адамдары қол қояды.

3. Тараптар алдын ала ББТ-ның кезекті сессиясы басталғанға дейін 15 күннен кешіктірмей және ББТ-ның кезектен тыс сессиясы басталғанға дейін 10 күннен кешіктірмей Бірлескен Тараптар делегациясының басшысына Бірлескен Тараптар делегациясындағы өз өкілдерінің құрамын хабарлайды.

4. ББТ сессиясында Бірлескен Тарап делегациясы алдын ала келісілген позицияға сәйкес іс-қимыл жасайды.

Егер қандай да бір Тараптың уәкілетті лауазымды адамы жеке өтініш жасау қажет деп санаса, ол алдын ала ол туралы Бірлескен Тарап басшысын хабардар етеді және өтініште Бірлескен Тараптың көзқарасын емес, тек өз мемлекетінің көзқарасын білдіретінін арнайы атап көрсетеді.

5. Мәжілістер Бірлескен Тарапқа қатысушы мемлекеттер аумағында кезек-кезек өткізіледі. Өз өкілдерін іссапарға жіберу жөніндегі шығыстарды жіберуші Тарап көтереді. Қабылдаушы Тарап мәжіліс өткізу үшін үй-жай береді және оған қатысушыларды көлікпен қамтамасыз етеді. Мәжілісте қабылдаушы Тараптың өкілі төрағалық етеді.

6. Мәжілістің жұмыс тілі орыс тілі болып табылады. Мәжіліс жұмысының мөлшері пленарлық мәжілістер, шағын құрамдағы кездесулер мен жұмыс топтарының мәжілістері болып табылады.

7. Тараптардың әрқайсысы осындай ұсыныстың себептерін көрсете отырып, кезектен тыс мәжіліс шақыруды ұсынуы мүмкін. Бұл жағдайда мәжіліс ұсыныс беруші Тарап мемлекетінің аумағында сұрау салу түскеннен кейін 15 күннен кешіктірмей өткізіледі.

8. Тараптардың әрқайсысы мәжілістің күн тәртібіне осы Хаттаманың мақсатына қатысты қандай да болсын мәселе енгізе алады.

9. Мәжілісте Тараптардың өкілдері бір-бірін 1996 жылғы 26 сәуірдегі келісімді және 1997 жылғы 24 сәуірдегі келісімді орындау барысы туралы, өткізілген инспекциялардың қорытындылары туралы және осы Хаттамаға қатысты басқа да мәселелер жөнінде хабардар етеді.

10. ББТ-ның сессиясында қабылданған нақты мәселелерді қарау үшін ББТ құруы мүмкін жұмыс топтарының құрамына Бірлескен Тараптың барлық қатысушы мемлекеттерінің өкілдері енеді.

Жұмыс тобының жетекшілері Бірлескен Тарап делегациясының мәжілісінде тағайындалады.

3-тарау. Ақпарат

1. Қазақстан Республикасының, Қырғыз Республикасы мен Тәжікстан Республикасының уәкілетті органдары 1997 жылғы 24 сәуірдегі Келісімнің Ақпараттар алмасу туралы хаттамасында көзделген ақпараттарды жинайды және оны Ресей Федерациясының ЯҚАҰО-ға беру үшін Ресей Федерациясының Сыртқы істер министрлігіне жібереді.

ЯҚАҰО жинақтаған ақпаратты Ресей Федерациясының Сыртқы істер министрлігі арқылы Бірлескен Тараптан Қытай Халық Республикасына жібереді.

2. Ақпарат беру кестесі:

а) келесі жылғы 1 қаңтардағы жағдай бойынша әр жылдың 15 қарашасына дейін - 1997 жылғы 24 сәуірдегі ақпараттар алмасу хаттамасына сәйкес ақпарат беріледі;

б) 1996 жылғы 26 сәуірдегі келісіммен және 1997 жылғы 24 сәуірдегі келісіммен айқындалған ақпараттар мен хабарламалар оларды Қытай Халық Республикасына беру мерзіміне 10 күн қалғанда ЯҚАҰО-ға беріледі.

3. Тараптар өздері берген мәліметтер үшін жауапты болады.

4. Ресей Тарабы 1997 жылғы 24 сәуірдегі келісімнің Ақпараттар алмасу туралы аталған хаттамасында көзделген, Қытай Халық Республикасынан алынған ақпаратты жеті күн мерзімде Қазақстан Республикасының, Қырғыз Республикасының және Тәжікстан Республикасының Сыртқы істер министрліктеріне жібереді.

4-тарау. Құпиялылық

1. Тараптар 1996 жылғы 26 сәуірдегі келісімге және 1997 жылғы 24 сәуірдегі келісімге сәйкес беретін және осы ереженің 2-тарауында көзделген мәжілістер барысында, сондай-ақ ББТ-ның сессиясы барысында алынатын барлық ақпараттар құпия болып табылады. Тараптардың бір де біреуі осындай ақпаратты жарияламайды.

2. Бұқаралық ақпарат құралдары үшін осындай хабарлардың мазмұны сияқты тең хабарлар туралы шешім, сондай-ақ 1996 жылғы 26 сәуірдегі келісімге және 1997 жылғы 24 сәуірдегі келісімге қатысты Қытай Халық Республикасына немесе тағы біреуге ақпарат беру туралы шешім консенсус негізінде қабылданады.

3. 1996 жылғы 26 сәуірдегі келісімнен және 1997 жылғы 24 сәуірдегі келісімнен шыққан әрбір Тарап осы тараудың 1 және 2-тармақтары бойынша міндеттемелерімен байланысты болып қала береді. Бұл міндеттемелер 1996 жылғы 26 сәуірдегі келісімнің және 1997 жылғы 24 сәуірдегі келісімнің қолданысы тоқтатылған жағдайда да күшінде қалады.

5-тарау. ББТ-дағы Бірлескен Тараптың төраға мемлекетінің (бұдан әрі - төраға мемлекет) функциялары

Ескерту. Ереже 5-тараумен толықтырылды - ҚР Үкіметінің 19.08.2020 № 524 қаулысымен.

1. Төраға мемлекет өз аумағында ББТ-ның кезекті көктемгі сессиясын өткізеді.
2. Төраға мемлекет ББТ-дағы Бірлескен Тарап делегациясының ағымдағы қызметі бойынша өзара іс-қимылы үшін жауап береді және өз төрағалығы кезеңіне өзінің дипломатиялық сарапшылары қатарынан ББТ-дағы Бірлескен Тарап делегациясының басшысын айқындайды.
3. Төраға мемлекет ББТ-дағы Бірлескен Тарап делегациясының жұмысын үйлестіреді және өзінің төрағалығы кезеңінде ББТ-дағы Бірлескен Тарап делегациясының отырыстарында өз қызметі туралы есеп береді.
4. Бірлескен Тарап делегациясы басшысының сөйлейтін сөзінің мәтінін келісу мақсатында, мәтін сессия өткізілгенге дейін кемінде бір ай бұрын Бірлескен Тарапқа қатысушы мемлекеттерге келісу үшін жіберіледі. Бірлескен Тараптың кез келген қатысушы мемлекеті тарапынан қарсылық болмаған жағдайда, мәтін келісілген деп есептеледі.
5. Төраға мемлекет алдын ала (кемінде бір ай бұрын) нақты мерзімдерді келіседі және Бірлескен Тарапқа қатысушы мемлекеттер мен Қытай тарапына өзінің аумағында өтетін ББТ-ның көктемгі сессиясына шақыру жолдайды.
6. Төраға мемлекет Қытай тарапымен нақты мерзімдерді келіседі және Қытай тарапынан алынған ББТ-ның күзгі сессиясына шақыруды Бірлескен Тарапқа қатысушы мемлекеттерге жолдайды.
7. Төраға мемлекет ББТ-ның сессиясы қарсаңында құжаттардың бастапқы жобасын әзірлейді және енгізеді.
8. Қажет әрі дәлелді болған кезде, негізінен шұғыл болу себебіне байланысты, төраға мемлекет құжаттардың жобаларын бекіту үшін дипломатиялық арналар арқылы енгізе алады.

Ресей Федерациясы, Қазақстан Республикасы, Қырғыз Республикасы, Тәжікстан Республикасы және Қытай Халық Республикасы арасындағы шекара ауданында әскери саладағы сенімді нығайту туралы 1996 жылғы 26 сәуірдегі келісімді және Ресей Федерациясы, Қазақстан Республикасы, Қырғыз Республикасы, Тәжікстан Республикасы және Қытай Халық Республикасы арасындағы шекара ауданында қарулы күштерді өзара қысқарту туралы 1997 жылғы 24 сәуірдегі келісімді орындау жөніндегі Қазақстан Республикасының Үкіметі, Қырғыз Республикасының Үкіметі, Ресей Федерациясының Үкіметі және Тәжікстан Республикасының Үкіметі арасындағы өзара іс-қимыл қағидаттары мен тәртібі туралы хаттамаға
N 2 қосымша

Инспекциялық қызметті ұйымдастыру кезіндегі

Тараптардың өзара іс-қимыл тәртібі туралы

Ереже

1-тарау. Жалпы ережелер

1. Осы Ереже 1997 жылғы 24 сәуірдегі келісімнің ережелеріне (бұдан әрі - Келісім) сәйкес инспекциялық қызметті жоспарлау, ұйымдастыру және жүзеге асыру мақсаты үшін жасалды.

2. Келісімнің орындалуын бақылауды қамтамасыз ету үшін Тараптардың өкілдері Келісімді қолданудың географиялық шегіндегі Шығыс және Батыс учаскелерінде өткізілетін инспекцияға қатысуға құқылы.

3. Осындай инспекцияның мақсаты:

- Шығыс және Батыс учаскелері үшін белгіленген сандық шектеулерді сақтауды бақылау;

- 1997 жылғы 24 сәуірдегі келісімнің Қысқартулар тәртібі туралы хаттамасына сәйкес Келісімді қолданудың географиялық шегіндегі қысқарту орындарында қару-жарақ пен әскери техниканы қысқарту процесін бақылау болып табылады.

4. Бірлескен инспекциялық қызметті жоспарлауды, дайындығын ұйымдастыруды, өткізуді және қорытындыларын жинақтауды инспекция (бұдан әрі - инспекциялайтын мемлекет) өткізілетін Қытай Халық Республикасы аумағының учаскесіне шектес Бірлескен Тарапқа қатысушы мемлекеттің уәкілетті органы жүзеге асырады.

5. Қытай Халық Республикасының аумағында инспекцияны ұйымдастыруды мыналар:

Шығыс учаскесінде - Ресей Федерациясының уәкілетті органы;

Батыс учаскесінде - Қазақстан Республикасының, Қырғыз Республикасының, Ресей Федерациясы мен Тәжікстан Республикасының уәкілетті органдары жүзеге асырады.

6. Квоталарды жоспарлау және бөлу жөніндегі ұсыныстарды, өзара жұмыс істеу нәтижелерін, инспекцияны дайындау және жүргізу кезінде жұмыс тәжірибесімен алмасуды талдау мен жинақтауды ЯҚАҰО жүзеге асырады.

2-тарау. Бірлескен инспекциялық қызметті жоспарлау

1. Келісімнің орындалуын бақылауды қамтамасыз ету үшін ЯҚАҰО ағымдағы жылы әрбір учаскеде жылына 2 инспекциядан асырмау есебімен Бақылау және тексерулер туралы хаттаманың ережелеріне сәйкес 1997 жылғы 24 сәуірдегі келісімді қолданудың географиялық шегінде Қытай Халық Республикасының аумағындағы Бірлескен Тараптың инспекциялық қызметі жоспарының жобасын әзірлейді.

2. Бірлескен Тараптың инспекциялық қызметі жоспарының жобасы Тараптардың ұсыныстары негізінде жасалады және ББТ-ның сессиясында келісіледі.

3. Бірлескен Тараптың инспекциялық қызметінің жоспарына мыналар:

- инспекциялайтын және инспекцияланатын мемлекеттердің атауы;
- өткізілетін инспекция түрі;
- инспекцияға жататын бақылау объектілері;
- инспекция өткізу мерзімдері;
- инспекциялық топтың олар арқылы келетін/кететін, кіру/шығу пункттері кіреді.

3-тарау. Бірлескен инспекция жүргізуге даярлық

1. Бірлескен Тараптың инспекциялық қызметінің жоспары негізінде 40 күннен кешіктірілмей инспекциялық топ құрылады.

2. Бірлескен Тараптың инспекциялық қызметінің жоспарына сәйкес инспекциялайтын мемлекет инспекция басталғанға дейін 25 күннен кешіктірмей ЯҚАҰО-ға оны кейіннен Қытай Халық Республикасына беру үшін хабарлама береді.

3. Инспекциялық топтың басшысы мен оның орынбасары инспекциялайтын мемлекеттің өкілдері болып табылады.

4. Шығыс учаскесіндегі инспекциялық топтың құрамына мыналар кіреді:

- инспекциялық топтың басшысы - 1 (инспекциялайтын мемлекеттің өкілі - Ресей Федерациясы);
- инспекциялық топ басшысының орынбасары - 1 (инспекциялайтын мемлекеттің өкілі - Ресей Федерациясы);
- инспектор - 1 (шақырылған Тараптың өкілі);
- инспектор - 1 (шақырылған Тараптың өкілі);
- инспектор - 1 (инспекциялайтын мемлекеттің өкілі - Ресей Федерациясы);

- инспектор - 1 (инспекциялайтын мемлекеттің өкілі - Ресей Федерациясы);
- инспектор-аудармашы (инспекциялайтын мемлекеттің өкілі - Ресей Федерациясы).

5. Батыс учаскесіндегі инспекциялық топтың құрамына мыналар кіреді:

- инспекциялық топтың басшысы - 1 (инспекциялайтын мемлекеттің өкілі - Қазақстан Республикасы немесе Қырғыз Республикасы немесе Тәжікстан Республикасы);

- инспекциялық топ басшысының орынбасары - 1 (инспекциялайтын мемлекеттің өкілі - Қазақстан Республикасы немесе Қырғыз Республикасы немесе Тәжікстан Республикасы);

- инспектор - 1 (шақырылған Тараптың өкілі);

- инспектор - 1 (шақырылған Тараптың өкілі);

- инспектор - 1 (шақырылған Тараптың өкілі);

- инспектор - 1 (инспекциялайтын мемлекеттің өкілі - Қазақстан Республикасы немесе Қырғыз Республикасы немесе Тәжікстан Республикасы);

- инспектор-аудармашы - 1 (инспекциялайтын мемлекеттің өкілі - (Қазақстан Республикасы немесе Қырғыз Республикасы немесе Тәжікстан Республикасы).

6. Инспекцияға шығу алдында инспекциялық топты даярлауды инспекциялайтын мемлекеттің уәкілетті органы жүргізеді.

Инспекциялық топтың құрамына енетін инспекторлармен сабаққа мынадай мәселелер енгізіледі:

- Келісімнің негізгі ережелері;

- инспекторлар қызметін регламенттейтін 1997 жылғы 24 сәуірдегі келісімнің Бақылау және тексеру туралы хаттамасының негізгі ережелері;

- инспекция жүргізу жоспары, мақсаттары және міндеттері;

- уақытша нормативтер, инспекция жүргізудің есепті уақыты;

- инспекция жүргізудің ерекшеліктері;

- инспекциялық топ мүшелерінің міндеттерін бөлу, кіші топтарды құру;

- бақылау объектілерінде тұратын және Келісімнің қолданыс аясына кіретін қару-жарақ пен әскери техниканың ерекше белгілері;

- инспекциялық аппаратура және онымен жұмыс істеу ережесі;

- инспекция жүргізу процесінде инспекциялық топты көшіру үшін мүмкін көлік құралдары және топ мүшелерін олар бойынша бөлу тәртібі;

- қауіпсіздік мәселелері және Қытай Халық Республикасында инспекторлардың мінез-құлық ережелері;

- Қытай Халық Республикасы, оның мәдениеті мен әдет-ғұрпы туралы мәліметтер.

7. Инспекция алдындағы бір апта ішінде ұзақтығы 1-2 күнде инспекциялық топты дайындау ұйымдастырылады.

8. Инспекцияға қатысу үшін шақырылған Бірлескен Тараптардың басқа қатысушы мемлекеттерінің өкілдері сабақ өткізілер күннің алдында келеді. Инспекциялайтын

мемлекеттің уәкілетті органы оларды қарсы алуды, орналастыруды, тамақтандыруды және автокөлікпен қамтамасыз етуді ұйымдастырады.

9. Шақырылған Тарап өз инспекторларының шақыруда көрсетілген жиын пунктіне және кері қайту жолына байланысты барлық шығыстарды, сондай-ақ шақырылған инспекторлардың инспекциялайтын мемлекет және Қытай Халық Республикасы аумағына келуімен байланысты іссапар шығыстарын өзі көтереді.

Бірлескен Тараптың шақырылған инспекторларының инспекция өткізу үшін Қытай Халық Республикасына бару алдындағы жиын пункті: Алматы, Бішкек, Мәскеу және Душанбе қалалары болып табылады. Жиын пункттері ББТ сессиясының шешімімен анықталуы мүмкін.

10. Қытай Халық Республикасының аумағында инспекция жүргізу кезінде инспекциялық топ Келісімнің ережелерін және инспекциялық топ басшыларының нұсқауларын басшылыққа алады.

11. Инспекция аяқталғаннан кейін инспекциялық топтың басшысы инспекция туралы есеп жасайды және қажет болған кезде барлық түсініксіз мәселелерді түсіндірмелерде қамтиды.

12. Инспекциялық топтың басшысы Бірлескен Тараптың ресми адамы болып табылады және шешім қабылдауға, Қытай Халық Республикасының өкілдерімен байланыс жасауға құқығы бар және инспекция туралы есептерге қол қоюға құқылы.

Инспекцияланатын Тарап мемлекетінің аумағында барлық болу кезеңінде басшы инспекциялық топтың барлық мүшелері үшін тікелей бастық болып табылады.

13. Инспектор инспекция барысында мыналарға:

- Келісімнің ережелерін білуге және іс жүзінде дұрыс қолдануға, инспекцияның мақсатын, міндеттерін және жүргізу тәртібін нақты түсінуге;

- бақылау объектілеріндегі қару-жарақ пен әскери техниканың 1997 жылғы 24 сәуірдегі келісімнің Ақпараттар алмасу туралы хаттамасына сәйкес берілген мәліметтермен сәйкестігін тексеруге;

- инспекциялық қызмет мәселелеріне қатысты алынған ақпараттарды жарна етпеуге ;

- аппаратураны, инспекция барысында жасалған материалдарды және жазулары бар қуаттарды қараусыз қалдырмауға;

- Қытай Халық Республикасының заңдары мен ұлттық дәстүрлерін құрметтеуге;

- инспекцияланатын мемлекеттің ішкі істеріне араласпауға, инспекция орындарында белгіленген қауіпсіздік шаралары мен ережелерін сақтауға, объектілер жұмыстарындағы кедергілерді немесе кідірістерді, сондай-ақ оның қауіпсіз қызмет етуін қозғайтын іс-қимылдарды болдырмауға міндетті.

14. Инспекция жүргізу барысында мыналарға:

- инспекциялық топтың басшысымен келісілмеген іс-қимылдарды орындауға;

- өзімен бірге инспекциялық қызметке қатысы жоқ қандай да бір құжаттарды, аппаратураны және басқа да мүлікті алуға;
- белгіленген киім нысанын бұзуға тыйым салынады.

4-тарау. Инспекциялық қызметтің қорытындылары

1. Қытай Халық Республикасының және Бірлескен Тарапқа қатысушы мемлекеттердің аумағында жүргізілген инспекциялар (еріп жүрулер) туралы есептердің көшірмелері кейіннен Бірлескен Тарапқа қатысушы мемлекеттерге беру үшін ЯҚАҰО-ға жіберіледі.

2. Инспекциялық қызметтің қорытындыларын жинақтау, даулы мәселелерді шешу Бірлескен Тараптар делегациясының жұмыс мәжілістерінде жүргізіледі.